

# ДЬУЛУРҢАН



сыл түмүктэрэ

## Саха Республикатын бастын спортсменнара



▲ Лев ПАВЛОВ (көҕү тустуу).

Саха Республикатын физическэй култуураҕа уонна спорка министиэристибэтэ, спорт көрүннэриттэн биридди бастын талыллыахтаах дьэн балаһыанньаҕа олобуран, спорт федерацияларыттан киирбит сайаапкалары көрөн уонна дьүүлэһэн баран, 2024 сыл уон бастын спортсменнара кимнээх буолалларын быһаарда.



▲ Карина ЕФИМОВА (Дзюдо).



▲ Сардаана ТРОФИМОВА (чэпчэки атлетика).



▲ Вадим КОЛТОВСКОЙ (кикбоксинг).



▲ Дмитрий ПОПОВ (мас-рестлинг).



▲ Мария ТАРАЯРОВА (обунан ыты).



▲ Игнатий ЧОМЧОЕВ (кроссфит).



▲ Виктория ЕРАСКУМОВА (буудьанан ыты).



▲ Варвара АФАНАСЬЕВА (панкратион).



▲ Тунаара ФЕДОРОВА (дуобат).

«Дьулурҕан».

редактор колонката

2024 сыл — спорка баай ис хоһоонноох буолла. Туох баар улахан таһымнаах түһүлгэлэргэ саха спордун иитиллээччилэрэ бэйэлэрин күүстэрин холоспуттара, билинни кэмнэ биһиэхэ спорт ханнык кэрдиискэ турарын кэрэһэлиир дии саныбын. Бизс спортсменныт, төһө да атын дойдулартан буолаллар, Парижтаагы сайынны Олимпийскай оонньууларга кытыннылар.

## 2025 сылга көрсүөххэ диэри!



Спортт төрүт көрүннэригэр хапсаҕайга уонна мас-рестлингэ аан дойду чемпионаттара ситиһиилээхтик ытыллан — республикабыт, норуотт аата өссө төгүл ааттанна, билиннэ. Маны анардас күрээстэһии эрэ курдук көрбөккө, бэйэ үгэстэрин тарҕатыы, норуоттар доҕордоһууларын уонна сибээстэһиилэрин быһытынан сыаналыаха сөп.

Хас эмэ сылы быһа бэлэмнэнэн, бэйэбитигэр «Азия оҕолоро» норуоттар икки ардыларынааҕы VIII спортивнай оонньуулары ыттан, ханнык баҕарар улахан таһымнаах күрэхтэһиини тэрийэр кыахтаахпытын көрдөрдүбүт.

Олорон кэлбит олохпут историятын умнубакка, киэн туттар дьоммутун кэриэстээн, кинилэргэ сүгүрүйэн элбэх тэрээһиннэр, күрэхтэһиилэр ытылыннылар. Ол курдук, саха спорда сайдарыгар улахан өгөлөөх төлөттөөх тэрийээчи уонна салайааччы Николай Николаевич Тарскай 100 сыла киэнник бэлиэтэннэ. Быһата, Саха Республикатыгар физическэй култуура уонна спорт үрдүктүк тутулан, салалта өртүттэн улахан болҕомто, өйөбүл оноһулан, сайдыы суолун тутуста.

Хаһыаппытыгар киирдэххэ, үөһэ ахтыллыбыт улахан таһымнаах күрэхтэһиилэр, тэрээһиннэр барыта сурулуннулар, сырдатыллынылар. Онон кумааҕы бэчээт быһытынан барыта суруллан, архыыптарга, библиотекаларга ууруллан, история кэрэһитэ буолар аналтын толорон кэллэ.

Хаһыат киэн арананы хабытыгар биллэр ааптардар, улуус хаһыаттарын суруналыыстара, эдэр корреспонденттар күүс-көмө, өйөбүл буоллулар. Холубур, Тааттаттан Вера Канаева, Ханаластан Уйбаан Уйгуров, Амматтан Михаил Алексеев, Зоя Пахомова Горнайтан Вячеслав Алексеев, Михаил Мордовской-Михута, Намтан Анатолий Софронов, Бүлүүттэн учуутал Марианна Васильева, Өлүөхүмэттэн Родион Данилов-Ородьумаан, Хатастан Наталья Руфова, Майаттан Степан Андреев, Дьокуускайтан Виталий Слепцов, Дмитрий Егоров, Петр Яковлев, Константин Стручков уо. д.а. сыл устата «Дьулурҕаны» кытта ыкса ситимнээхтик үлэлээн кэлбиттэрин бэлиэтибин. Барыларыгар барҕа махталбын тиэрдэбин.

Махтанабын, биһиги хаһыаппыт суруттааччыларыгар, ааҕааччыларыбытыгар! Эһиги эрэлгитин толорорго, хаһыат өссө аабыллымыта буоларыгар, дьон киэн араната сэнээрэрин, кытыһарын туһугар дьулуһабыт.

Олох бэйэтин хардытынан баран иһэр. Эһиилги, 2025 сыл сүрүн күрэхтэһиигэ — Тааттаҕа ытыллар Манчары XXII оонньуулар буолуохтара. Оонньуулары көрсө номнуо хаһыаппытыгар анал рубрика аһыллан, сырдатты үлэтэ саҕаламмытын көрбүт, аахпыт буолуохтаахпыт.

Барыгытын кэлэн иһэр Саҥа дьылынан эбэрдэлибин! Хаһыат ытыгар үлэтигэр көхтөөхтүк кытгаргытыгар баҕарабын!

Петр ПАВЛОВ,  
«Дьулурҕан» редактора.



бэлиэ түгэн

# Сүдү киһиэхэ билини, ытыктабыл, сүгүрүйүү бэлиэтэ

Өрөспүүбүлүкэ успуордун сайдытыгар сүҥкэн кылаатын киллэрсибит талааннаах салайааччы, дьонуннаах тэрийээччи, Саха сиригэр успуорт сайдар суолга киириитин көбүлээбит, көнүл тустууну төрүттээбит, саха спортсменнара аан дойду түһүлгэтигэр тахсар кыахтаахтарын өтө көрбүт, билиилээх судаарыстыбаннай, уопсастыбаннай дэийэтэл, ССРС физическэй култууратын туйгуна Николай Николаевич Тарскай 100 сылын түмүктүүүр үөрүүлээх тэрэһин киин куорашпыт килбэйэр киинигэр — П. А. Ойуунускай аатынан саха академическай театрыгар буолла.

Кэрэ бэлиэ күннэ Николай Николаевич Тарскайга аналлаах үбүлүйдээх тэрэһиннэри сүрүннүүр өрөспүүбүлүкэтээҕи кэмितिэт салайааччыта, Саха Өрөспүүбүлүкэтин Бырабыыталыстыбатын бэрэссэдээтэлин солбуйааччы **Сергей Местников**, Ил Түмэн депутата, олимпийскай призер **Георгий Балакшин**, Саха Өрөспүүбүлүкэтин физическэй култуура уонна успуорка миннистирэ **Леонид Спиридонов**, Уус Алдан улуунун баһылыга **Василий Аммосов**, Баатаҕай нэһилиэгин баһылыга **Михаил Белолобский** бэйэлэрин эбэрдэлэрин этилэр уонна бастын үлэлээхтэргэ наҕараадалары туттардылар.

Наҕараадаламмытар ортолоругар СӨ физическэй култуура уонна маассабай успуорка управлениетын специалиһа **Зинаида Афанасьева**, успуорду көбүлээччи, тэрийээччи **Виктор Портнягин**, Уус Алданнааҕы библиотека тийгин үлэһитэ **Мария Попова**, СӨ успуорка Албан аатын түмэлин салайааччы **Михаил Друзянов**, Н. Н. Тарскай аатынан «Төлкөлөөх түөрэх» спектакль ааптара, суруналыыс **Иннокентий Сыроватский**, успуорт бэтэрээнэ **Ирина Басыгысова** уо. д. а. бааллар.

Успуорт уонна култуура бэтэрээнэ, ССРС физическэй култууратын туйгуна, Саха Өрөспүүбүлүкэтин култууратын үтүөлээх үлэһитэ, норуодунай артыыс **Аркадий Михайлович**

**Алексеев** сыанаҕа ынгырыллан тахсан, Н. Н. Тарскайы кытта хайдах көрсүбүтүн, кэспэпитин туһунан ахтыыта дьон болҕомтотун тарта.

Ити курдук, үөрүүлээх тэрэһиннэ Николай Николаевич Тарскай сизнэ, Дьокуускай куорат 31 №-дээх оскуолатын дириэктэр солбуйааччы **Людмила Александровна Кулагина** кыттыыны ылан, сыл устата элбэх күрэхтэһиилэр, быыстапкалар, тэрэһиннэр үрдүк таһымнаахтык ытыгылыбыттарыгар — тэрийээччилэргэ, үлэлэспит бары дьонно махтанна. Бу бастатан туран, Н. Н. Тар-



скайы билини уонна киниэхэ ытыктабыл, сүгүрүйүү буоларын санатта.

Үөрүүлээх тэрэһин салгыы Владимир Заболоцкай, Анастасия Готовцева, Варя Аманатова, Семен Иванов уо. д. а. Уус Алдан бастын ырыаһыттарын киэн ис хоһоонноох кэнсиэринэн ситэриллэн, кизэргээн

бизэрдэ. Хаһан баҕарар буоларыны, «Кэнчээри» ансамбль ырыаһытара үрдүк таһымнаахтарын көрдөрдүлэр. Өссө Найахыттан, Тандагтан ансамбллар, Баатаҕайтан хор ырыалара эмиз дохсун ытык тыаһынан бэлиэтэннилэр.

Киэн далааһыннаах, дирин толкуйдаах тэрийээччи, дьобурдаах салайааччы Николай Николаевич Тарскай көбүлээһинэ, сирдээһинэ силлэс-мутук тардан, салгыы сайдан, бүгүнгү кэмнэ успуорка үтүө түмүктэри бизэрэ турдаҕа. Онуоха, саха спортсменнара Сойууска, аан дойдуга биллэр, аатырар буолууларыгар ааны аспыт, олук үктээбит киһибитин үйэ-саас тухары умнуо суохтаахпыт. Кини аатын өрүү дорҕоонноохтук ахта, саныы, кэлэр көлүөнэбэ тиэрдэ туруоҕаахпыт. Ол эбэтэр, киһи суола, хаалларбыт үлэтэ-хамнаһа сүтүө-симэлийиэ суохтаах!

**Петр ПАВЛОВ.**  
Ааптар хаартыскаҕа түһэриитэ.

**Арианна Алексеевна БУРНАШЕВА,** Н. Н. Тарскай аатынан Баатаҕай орто оскуолатын дириэктэрэ уонна Успуорка Албан аат түмэлин салайааччыта:

— Биһир дойдулаахпыт, Саха сиригэр успуорт хамсааһынын тэрийээччи, көнүл тустууну төрүттээччи **Николай Николаевич Тарскай** 100 сылын түмүктүүүр тэрэһинигэр кэлэн турабыт. «Кэскиллээби өтө көрөн» дьэн быыстапкаҕа түмэлбитин төрүттээбит **Ксения Иннокентьевна Румянцева** баай фондатыттан элбэх экспонаты аҕаллыбыт. **Манна Н. Н. Тарскай олохун, үлэтин кэрэһэлиир, көрдөрөр, кэспиир хаартыскалар, кини бэйэтэ туттубут наапката, тэтэрээт-альбома** бааллар. Ону тэнэ биһиги оскуолабыт, быйыл «Н. Н. Тарскай 100 сылын көрсө 100 араас тэрэһин» дьэн былаан онгостубуттук. Ону барытын ситэрэн-хоторон, альбом быһытынан онорон аҕаллыбыт. Сүрүннээн, биһир дойдулаахпыт үтүө аатын үйэтиһигэ аналлаахтар. Үбүлүйдээх сылга түмэлгэ элбэх санга экспонаттар киирдилэр. Ону барытын бу тэрэһингэ аҕалан быыстапкаҕа туруордубут.

Үбүлүйдээх тэрэһингэ — өрөспүүбүлүкэтээҕи, улуустары, нэһилээктээҕи тэрийэр хамыһыһылар тэриллэн үлэлээтилэр. Кинилэр куустэринэн биһиги оскуолабыт иннигэр бюст туруорулуна, түмэлбитигэр өрөмүөн үлэтэ ыытылына, үөрэнээччилэргэ аналлаах научнай-практическай конференция буолбута, ити курдук, үбүлүйдээх кэрэ бэлиэ түгэнинэн акробатикаҕа күрэхтэһии тэриллэбит.

«Чаранай» түмүкүтэ **Н. Н. Тарскай төрөөбүт алаһыгар туруоруллубут сэрэ күүрөтүн-хаһаатын сангардан онордо, үөрэммит-үлэлээбит оскуолатыгар бюст уонна ыһаахтыыр сиргэ өйдөбүннүк бэлиэ туруордулар. Сайын онно Н. Н. Тарскай сылыгар аналлаах ыһаах ыһылыбыта.**

Биһиги оскуолабыт 1929 сылаахха төрүттэммитэ, быйыл 95 сылын бэлиэтээбит. Онон, бу Н. Н. Тарскай 100 сылынан, оскуолабыт сүүс сылын көрсө санга оскуола тутуулан олоххо киирэрэ буоллар дьэн туруорсабыт.



сыл түмүктэрэ



Номинацияларынан кыаһылаахтар:

Сыл бастын тренерэ — **Станислав Валерьевич Тимофеев** (Мэнэ Ханалас).  
Сыл бастын сүүрдээччигэ — **Валентин Иванов** (Сунтаар).  
Сыл бастын үлэлээх федерацията — **Чурапчы улуунун ат успуордугар федерацията** (салайааччы **Юрий Павлович Посельский**).  
Бастын меценат — **Виктор Николаевич Лебедев**, «Саха-

нефтегазсыт» АО генеральнай дириэктэрэ.  
Бастын спонсор — **Томпо улуунун баһылыга Яков Иннокентьевич Степанов**.  
2 саастаахтарга бастын — **Арчылаан** (Чурапчы), баайааччылара: **А. А. Куличкин**, **Д. С. Осипов**.  
3 саастаахтарга бастын — **Партия** (Сунтаар), баайааччыта: **С. С. Васильев**.  
4 саастаахтарга бастын —

**Шугар Кид** (Мэнэ Ханалас), баайааччы: **С. В. Тимофеев**.  
Кэли аттарган бастын — **Байсар Барс** (Сунтаар), баайааччы: **С. С. Васильев**.  
Бастыннарга эбэрдэ! Ити курдук ылбыт тэтимнитин ыһыктыбакка, этэргэ дылы, тэпит атахытын кубулуспака, иннигит диэки дьулуурдаахтык баран иһин.  
«Дьулурҕан».



## Ат успуордун бастыннара ааттаннылар

Саха Өрөспүүбүлүкэтин ат успуордугар федерацията 2024 сыл түмүгүн таһаарда. Федерация салалтатын сылааҕы үлэтин түмүктэрин ырытан кэспээбитин кэннэ, үөрүүлээх быһыыга-майгыга наҕараадалары туттары саҕаланна.

түһүлгэ дуораана

# Ааһан эрэр сыл бэлиэ түгэннэрэ

## 2024 сыл — Тарскай сыла



Тохсунньу 4-6 күннэригэр Уус Алдан улуһун киинигэр Бороҕонно Н.Н. Тарскай кэриэһигэр көнүл тустууга Саха Республикатын биридилээн уонна хамаанданан бастыыр иһин чемпионата ытыллыбыта.

Чемпионат, саҥа үлэҕэ киллэриллибит Н.Н. Тарскай аатынан Спорт дыбарыаһыгар, саха спордун аҕатынан билиниллибит киһи төрөөбүтэ 100 сылыгар аһаммыта.

Чемпионакка 21 хамаандаттан барыта 186 бөҕөс күөн көрсүбүтэ. Икки күннээх тыһааһынаах хапсыһылар түмүктэригэр бастакы миэстэни — Чурапчы, иккинчи Мэнэ Ханалас, үһүс миэстэни Сунтара хамаандалара ылбыттара.

## Алданна — Кыһынны спартакиада

Кыайыылаахтар — Дьокуускай, Чурапчы, Өймөкөөн, Муома. Спартакиадаҕа 28 хамаандаттан барыта 600-чэкэ спортсмен кэлэн, спорт уон көрүнэр күрэс былдыаста.



Онуоха бастакы бөлөххө — спорт треккэ, хайыһарынан спортивной ориентированиеҕа, сноубордка, фигурнай ханкылааһына бастакы, шайбалаах хоккейга — иккис, хайыһар спордугар уонна кыһынны многоборьеҕа

үһүс миэстэлэри ылбыт Дьокуускай куорат хамаандата кыайыылааһынан таҕыста. Кыайыылаах уонна миэстэлэспит хамаандалар бары туһааннаах кубоктарынан наҕараадаламмыттара.

## Ил Дархан саахымакка Кубогар

Судаарыстыбаннай ойуулуурдүһүннүүр түмэлгэ Ил Дархан Кубогар саахымакка күрэхтэһинтэ, атыннык этгэххэ эр дьонно Россия Кубогун иккис түһүмэҕэ тоҕус күн ытыллан түмүктэннэ. Манна дойду 12 регионуттан барыта 58 саахымакчыт күөн көрүстэ. Ол иһингэр алта международнай гроссмейстер кыттан, күрэхтэһини кизгэттэ.

Бүтэһик туурдарга инники сылдыбыт международнай гроссмейстер Дмитрий Кокарев (Свердловскай) ылбыт тэтимин ыһыктыбакка, күрэхтэһини кыайыылааһынан буолла. Күүстээх састааптаах күрэхтэһини биниги Дмитрий Егоровыт алтыс миэстэлэннэ.



## Лев Павлов — түһүлгэ бастына



Олимпийскай чемпион, ССРС спордун үтүөлээх маастара уонна тренерэ Р.М. Дмитриев төрөөбүтэ 75 сылыгар аналлаах норуоттар икки ардыларынаағы турнирга, бастыг бөҕөстөргө элбэх аһааннаах анал бириистэр аһаннылар.

Турнир бастыг бөҕөһүнэн — 57 киһлэҕэ кыайыылааһынан тахсыбыт Лев Павлов (тренердэрэ Николай Данилов, Герман Контоев) ааттанна. Киниэхэ Роман Михайлович Дмитриев дьиз кэргэнэ олохтообут бириһэ туттарылынна.

## «Азия оҕолоро» — Туймаада хочотугар

«Азия оҕолоро» норуоттар икки ардыларынаағы VIII спортивной оонньуу бэйэтэ төрүттэммит дойдутугар — Саха сиригэр, Дьокуускайга эргиллэн кэлэн, бэс ыйын 26 — от ыйын 6 күннэригэр үрдүк күүрүүлээхтик буолан ааста. Бу улахан таһымнаах тэрэһин — Оҕо саас, Спорт өрөгөйүн быһыытынан ытыллан, үтүө өйдөбүллэри хаалларда, бэйэтин сыалын-соругун ситистэ.



Ахсыс оонньууларга 24 дойдуттан, Россия 5 регионуттан барыта 3 тыһыынча спортсмен, тренер, хамаанда бэрэстэбиилэ кытынна. Эдэр спортсменнар спорт 24 көрүнэр барыта 239 мэтээл иһин күөн көрүстүлэр, күрэс былдыастылар.

Саха сиригэр хамаандата бэйэтин кыаһынан киристэ. Бастакы хамаандабыт барыта 25 кыһыл көмүс, 26 үрүн көмүс, 30 боруонса мэтээли ылары ситистэ уонна түмүккэ төрдүс көрдөрүүлэннэ.

## Сөбөбүт уонна киэн туттабыт!



XIII сайынны Паралимпийскай оонньуу харбааһына үрүн көмүс призера, аан дойду уонна Европа хас да төгүллээх чөмпүйүөнэ, спорт үтүөлээх маастара Анастасия Диодорована, улахан спортан үөрүүлээхтик атаары тэрэһинэ ытылына.

Сүүрбэччэ сыл устата улахан спорт эйгэтигэр сылдьан, элбэх ситиһиилэннэ. Итинэн Анастасия — ыччаттарга, олохторугар ыарахаттары көрсүбүт дьонно үтүө холобур уонна киэн туттуу чабылхай быһыытын көрдөрөр диэххэ сөп.


Бэлиэ түгэннэ хорсун кыһы эбэрдэли кэлбит СР Ил Дархана Айсен Николаев, бастатан туран, Анастасия Диодорова ылсыбыт дыалатыгар бэриниилээбүн, характердааһын бэлиэтээтэ уонна кини тренеригэр, төрөппүттэригэр махтанна.

## «Триумф» киинэ

Улуу тренер Дмитрий Петрович Коркин кэриэһигэр көнүл тустууга норуоттар икки ардыларынаағы турнир чэрчитинэн өрөспүүбүлүкэ киинэ театрдарыгар «Триумф» дьин саҥа киинэ көрдөрүллүннэ.

Икки чаас курдук улахан экранна көрдөрүллүбүт киинэ түгэннэрэ биниги улуу тренери, олимпиецтарбыт тустарынан — эрдэтээнни суруйууларга, кинигэлэргэ хайдах баарын курдук, барыта кэм-кэрдии быһыытынан дьиннээхтик арыллан истэ.

Артыыстар бары бэйэлэрин оруолларын ылыннарылаахтык толордулар.



Петр ПАВЛОВ. Ааптар хаартыскаҕа түһэриилэрэ.

СЫЛ ТҮМҮКТЭРЭ

# Тимур Николаев — 2024 сыл бастын хапсабайдыта

Саха Республикатын хапсабайга федерациятын быһаарытынан, 2024 сыл бастын хапсабайдытынан Үөһэ Бүлүү хамаандатын бөһөһө Тимур Николаев ааттанна.



туур кыйыылааҕа (Дьокуускай)

И. Халдеев турнирын 75 кг диэри уонна мунутуур кыйыылааҕа (Тумул)

Энсийли хапсабайын 75 кг диэри уонна мунутуур кыйыылааҕа (Нам)

Буучугурас турнирын 75 кг диэри уонна мунутуур кыйыылааҕа (Үөһэ Бүлүү)

«Үс иилээх хапсабай» түһүлгэтин 75 кг диэри мунутуур кыйыылааҕа (Үөһэ Бүлүү)

Д. Сивцев кэриэнигэр түһүлгэ 75 кг диэри мунутуур кыйыылааҕа (Ханалас)

**Тимур Николаевы,** 2024 сыл бастын хапсабайдыта буолбутунан эбүрдэлиибит уонна салгы ситиһиилээхтик кыттарыгар баҕарабыт!

«Дьулурҕан».

Кини быйылгы сүрүн ситиһиилэрэ:

Аан дойду чемпиона (Бишкек — Кыргызстан).

Саха сириин чемпиона (Сунтаар)

Саха сириин хамаанданан чемпионатын кыйыылааҕа (Үөһэ Бүлүү)

Быраатты Ноговицыннар турнирдарын 75 кг уонна мунутуур кыйыылааҕа (Дьокуускай)

Ханалас хапсабайын муну-

кэпсиэхпин баҕарабын

# Арассыыйа Дьоруойа — Бурҕааттар кизэн туттуулара



нан, биһигини Арассыыйа эбэ хотун үрдүнэн аатырдыбыта, биһигини үөрдэр, долгутар. Махтанабыт уолбутугар, кизэн туттабыт итиэннэ иннибит диэки баран иһэбит, бурҕатан, суолбутун, кэлэр көлүөнэбитигэр хаалларан!

Родимир успуорду таптыыр дьизэ кэргэнгэ улаатан, эмиэ таптыыр көрүннэринэн дьарыктанан барбыта, оһуоба футбол курдук сүүрэр-көтөр көрүнү сөбүлээн, улууһун иһигэр элбэхтик бастаабыта, миэстэлэспитэ. Убайа **Баһылай Кузьмин** дэгиттэр спортсмен, тустуук, хапсабайга кэккэ ситиһиилээх. Устудьуоннуур кэмигэр элбэх күрэхтэһиилэргэ чөмпүйүөн, призер буолбута.

Родимир — Н. Н. Голиков кэриэнигэр аналлаах хапсабай аһаҕас турнирыгар 1-кы миэстэ. Ытык Күөл (2012 с.), Саха Өрөспүүбүлүкэтин физическэй культуура уонна успуорка министиэристибэтин мини-футболга хамаанданан үһүс миэстэ (2016) буолбута. Родимир, футбол улахан фаната, аан дойду футболга кулуптарынын, сүүмэрдэммит хамаандалары эндэппэккэ этэн биэрэр, сиһини ырытар, кизэн билиилээх. Испания «Реал» (Мадрид) куллубугар ыалдьар, сүгүрүйэр оонньооччута — Кристиану Роналду.

Манньык кизэн эйгэлээх, олоххо туһунан суоллаах-иистээх, дойдутун күүскэ таптыыр, көмүскүүр сизэн быраатын, Арассыыйа дьоруойа Родимир Максимов.

**Юрий ШУКИН-Манай.**  
Туора Күөл, Таатта.

Төрүшпүт Бүөтүкэ Суукунтан сабаланаар, дизэн кэпсээтэҕим буоллун...

Саталлаах уус, үлэһит бэрдэ эһэбит үлэлээн киирэн бардаҕына от охсуутугар да, буор хаһытыгар да тэлэһитэн, бурҕатан барар туруутун иһин, Бурҕаат дизэн аат инмит эбит. Сүүрбэччэтэ оҕолонон, сатамакка биир уол оҕону тутан хааллар, Уйбаан дизэн ааттыыллар.

Дьэ, бу биир уолтан Бурҕааттар халын аймахпыт тэнийэн барар. Улахан эдьийбит **Анна Ивановна** биэс оҕолоох, түөрт уол, биир кыыс. Бу мааны кыыстан Арассыыйа дьоруойа **Родимир Максимов** күн сириин көрөн, Бурҕаат дизэн төрүт аатын ылынан, биһиги аймаҕы Саха сиригэр эрэ буолбакка, бүтүн дойдуга тийэ суон сурахтаата, ааппытын ааттатта!

Салгы **Ньукулай Дьөгүөр-рэн-Баайаҕыын**, ийэтин араспаанньатынан, уол кэлэр. Барытыгар баар убайбыт, барытын сатыыр, барыбытын бырааттарын, сизэн бырааттарын уһанарга, бултуурга, иистэнэргэ үөрөспүт ытык убайбыт, билигин сизэннэрин сизээн эрэр. Эдьий Маасабыт биһиги икки кыралары сууйбут-тараабыт, ийэлээх оҕолортон туох да итэҕэһэ суох улаатыннарбыт махталлаах, тапталлаах эдьийбит.

**Уйбаан Суукун** эмиэ ааппытын ааттаппыт, Арассыыйаҕа нуучча дуобатыгар иккитэ бастаабыт, ССРС, Арассыыйа успуордун маастара. Оттон мин тустан сордоспут, мунһан сордонор, суруйа сатыыр дьарыктаахпын.

Саамай талааннаахпыт, кырабыт **Дьөгүөр** успуорду өрө тутар, ырыаһыт, музыкант. Бу барыта сизэн бырааппыт, дьоруой **Родимир Максимов-Бурҕаат** дизэн ааты ылы-

ИЛДЫТ

# Быыстапкаҕа ынҕарабыт!



Көҥүл тустууга ССРС спордун маастара, Российской Федерация физическэй культуура уонна спордун туйгуна, Саха АССР физическэй культуура уонна спордун үтүөлээх үлэһитэ, Чурапчы улуһун Бочуоттаах олохтооҕо, Саха Республикатын спортивнай Албан аат түмэлин сала-йааччыта, спорду көбүлээчи уонна тэрийээччи, кыраайы үөрэтээччи **Михаил Егорович Друзьянов** 75 сааһыгар аналлаах «Олоҕум умсулбана» дизэн баай коллекциятын быыстапката А. А. Саввин аатынан Чурапчытааҕы история уонна этнография түмэлигэр туруорулунна.

Быыстапка үөрүүлээх аһыллытыгар Чурапчы улуһун баһылыга **Степан**

**Саргыдаев,** улуус депутаттарын сэбиэтин бэрэссэдээтэлэ **Яков Оконешников,** Д. П. Коркин аатынан Спорка Албан аат түмэлин салайааччы **Егор Пудов,** спорт бэтэрээннэрэ, олохтоохтор кытыыны ыллылар.

Манна араас сыллардааҕы сэдэх халандаардар, мэтээллэр, кубоктар, афишалар, «Азия оҕолоро» оонньуу атрибуттара о.д.а. интэриэһинэй экспонаттар көрдөрүүгэ туруорулуннулар.

Быыстапка ахсынны 17 күнүттэн — 2025 сыл тохсунньу 17 күнүгэр диэри туруоҕа. Чурапчы олохтоохторун уонна ыалдыттарынын, бу быыстапканы кэлэн көрөргүтүгэр ынҕарабыт.

**Петр ПАВЛОВ.**

хаартысканан кэпсибит

# Үтүө санаа хаһан да уостубатын



Саха Республикатын спорка салайааччылара «Сага Дьыллааҕы үтүө санаа» хамсааһынна кытыннылар.

Сага дьыл иннинэ спорт салайааччылара кыһал-балаах олохтоох дьизэ кэргэттэргэ уонна оҕолорго бырааһынныктааҕы үөрүүнү-көтүүнү бэлэхтиир үгэстэрин быйыл даҕаны салҕаатылар.

Ол курдук, кинилэр, Сага дьыллааҕы харыйаҕа аат-

тара суруллан ууруллубут оҕолорго анаан бэйэлэрин бырааһынныктааҕы бэлэхтиир анаатылар. Манньык үтүө санаа хаһан даҕаны уостубатын.

**Бэйэбит информациябыт.**